

Bo tabata sa?

Sacá for di scrituranan di
Sr. Julio Maduro q.e.p.d.

- E cascabel o colebra di Aruba ta un "especie endemico", esey kiermen cu e ta un sorto cu ta na Aruba só e ta ser haya!
- E lenso cu antes nan tabata mara e cabes di un difunto pa tene e cachete ariba, tabata jama un "casnechi".
- Antes un "chabalito" tabata un hoben entre 12 y 18 año.
- E prome capital, of hoofdstad, di Aruba tabata yama "Quivarco", y cu e Spañonan a bin yam'é Sabaneta, cu ta nifica sabana chikito.
- Un "manga" tabata un piedra tamaño di e mokete será di un homber y cu tabata e piedra cu cual nan tabata mula maishi riba un otro piedra hol, o sea e 'piedra di mula'.



- Antes un yiu muher menor no ta permiti pa casa prome cu e yiu muher mayor!

Aruba:

antes y awor




Si nos compara e dos potretnan aki nos ta mira cu e matanan cu tabata tin antes banda di lagoen ta hopi diferente for di esnan di awor. Cadushi y kwihi a haci lugar pa pal'i coco y ixora. Ripara cuanto mondi tin riba e potret di antes, rond di Willem III Toren.

Lagoen ta un rooi cu ta conecta cu Rooi Afó. Nan tabata yam'é Rooi Manonchi.

E tempo aya, ora cu awa yobe duro, e rooi ta pasa su borde y subi tera, causando bastante daño. Hasta tabata tin caso di hogamento. No lubida cu antes, no tabata tin Wilhelmina Park ainda, dus e ta bira un lama completo.

Na 1930 Gezaghebber Wagemaker a laga traha un dam rond di e lagoen. E brug chikito na e crusada di Lagoenweg y Zoutmanstraat a keda cla na Maart di e año ey. Pero despues di un año só, awa grandi a lastr'é y destruy'é. Pero no a tarda mucho cu nan a traha un otro brug, mas fuerte cu esun prome. Esaki t'ey ainda, aunke awor si ta deteriorando, despues di tanto año.

Si bo ripara bon, e rooi ta cuminsa for di Fergusonstraat,



cabando na e lámá. For di Avenida Milo Tromp te na lámá tin 7 brug: esun di Avenida Milo Croes mes, Vondellaan, A. Laclé Boulevard, Irenestraat, Zoutmanstraat y L. G. Smith Boulevard.


Riparando e casnan, por mira ainda e cas di famia Harms, y esun undabanda di dje esun di Centraal Accountantsdienst.

Gezaghebber Wagemaker tabata tin bon bista tempo el a dicidi di drecha e becindario aki di Klip. E cas mes di Gezaghebber tabata eynan, y tambe e casnan den Julianastraat cu tabata pa polisnan.



Chabalito

Number 8 - Año XII



3.00

(incl. B.B.O.)